

Meeqqaqut tapiissutit pillugit Inatsisartut peqquussutaat

Suliassaqtitsiniarnermik inunnillu isumaginninnermik Kalaallit Nunaannut inatsimmi nr. 580-imi 29. november 1978-imeersumi § 2 tunngavigalugu makku aalajangersarneqarput:

Kapitali 1.

Aalajangersakkat nalinginnaasut.

§ 1. Peqqusut manna tunngavigalugu meeqqaqut tapiissutisisinnaatitaanissami makku piumasaqaataapput:

- 1) meeraq 18-it inorlugit ukioqassasoq, pisortanillu toqqaannartumik pilorsorneqartussaanani,
- 2) meeraq Kalaallit Nunaanni kommunimi najugarivitaqartuussasoq, tak.kommunit imminnut akiliiffigeqatigittarnerminni pisussaaffi pillugit peqqusut, aamma meeqqaqut tapiissutinik tigusicinnaatitaasoq Kalaallit
- Nunaanni aalajangersimasumik najugaqartuullunilu inuit aqqisa allattorsimaffianni nalunaarsorneqarsimassasoq,
- 3) meeraq tapiissutinilluunniit tigusicinnaatitaasoq qallunaatut innuttaassuseqassasoq, imaluunniit nunat tamat akornanni isumaqatigiissutit tunngavigalugit Kalaallit Nunaanni isumaginninnikkut isumannaallisaatinik pisartagaqarsinnaatitaassasoq, imaluunniit meeraq tapiissutinilluunniit tigusicinnaatitaasoq ukiumi kingullermi Kalaallit Nunaanni najugaqarsimassasoq,
- 4) meeraq meeqqanik inuuusuttunillu ikorsiisarneq pillugu peqqusut tunngavigalugu angerlarsimaffiup avataanut inissinneqarsimassangitsoq,
- 5) inuuusuttuaraq katissimassangitsoq.

§ 2. Meeqqaqut tapiissutit meeqqap pilorsorneqarnissaanut atugassatut tapiissutigineqartarput, meeqqallu pisassaralugit.

Imm. 2. Meeqqaqut tapiissutit tapiissutinik tigusicinnaatitaasoq eqqarsaatigalugu eqqartuussivikkoortumikmalersuinnissutaasinnaanngillat, ilanngaassiffingineqarsinnaanatik il.il..

Imm. 3. Meeqqaqut tapiissutit qaammatisiutit ukiuat malittaraat.

§ 3. Meeqqaqut tapiissutit amerlassusissaat ukiumut meeqqaqut tapiissuteqarfiusumut aningaasanut inatsimmi aalajangersarneqartussaapput, tunniunneqartartussaallutillu ukiumi inaarutaasumik akileraaruteqarfiusumi kingullermi, imm. 2-6 naapertorlugit, isertitanut killissarititat aningaasanut inatsimmi aalajangersarneqartut malillugit.

Imm. 2. Angajoqqaat najugaqatigiippata, meeqqamut tapissutit angajoqqaat katillutik akileraarutaasussanik isertitaat aallaavigalugit tunniunneqassapput, meeraq ilaqtariinnut inissitaanngippat.

Imm. 3. Meeraq angajoqqaami arlaanni najugaqarpat, meeqqanut tapiissutit tun-niunneqassapput taassuma akileraaruteqaataasussanik isertitai aallaavigalugit. Angajoqqaq taanna katissimappat imaluunniit aalajangersimasumik inooqateqarpat aappaasup akileraaruteqaataasussanik isertitai imaluunniit inooqataasup akileraaruteqaataasussanik isertitai naatsorsuutigineqassapput, inooqatigiinneq sivikinnerpaamik, meeqqanut tapiissutit atuutilerfissaata aallartinnissaa ukiumik ataatsimik sioqqulluguli atasimappat.

Imm.4. Meeraq atuarfímmi najuugaqarfíutigisumiippat taassumaluunniit assigisaani najugaqarpat meeqqanut tapiissutit meeqqap angajoqqaami arlaanni, meeqqap kingullermik inuit allattorsimaffiannut nalunaarutigineqarami najugaqarfígsaata akileraaruteqaataasussanik isertitai aallavigalugit, tak. imm. 3, tunniunneqassapput. Meeraq najugaqalinnginnermini ilaqtariinnut innissitaasimappat, meeqqap najugaani kommunemi isumaginninnikkut ataatsimiititaq aalajangersinnaavoq meeqqanut tapiissutit tunniunneqassasut angajoqqaarsiaasut akileraarutaasussanik isertitaat aallavigalugit tak. imm. 6.

Imm. 5. Meeraq assigiimmik angajoqqaami arlaanni najugaqartarpat, aammalu angajoqqaat arlaalluunniit meeqqamut akilersuuteqanngippat, meeqqanut tapiissutit angajoqqaap, ukiup meeqqanut tapiissutit atuutilerfissaata aallartinnerani meeqqap inuit allattorsimaffiannut nalunaarutigineqarami najugaqarfigisaani, isertitai akileraarutaasussat aallavigalugit, tak. imm. 3, tunniunneqassapput. Angajoqqaat arlaat meeqqamut akilersuutinik pisarpat, pisartussap meeqqanut tapiissutit akileraarutaasussanik isertitai, tak. imm. 3, aallavigalugit tunniunneqassapput.

Imm. 6. Meeraq ilaqtariinnut inissitaasimappat aammalu angajoqqaarsiai paaqqinninnissamut akuersisummik allagartaqarpata, meeqqanut tapiissutit angajoqqaarsiat akileraaruteqaataasussanik isertitaat imm. 2 aamma 3 tunnagavigalugit suliarineqarsimasut aallaavigalugit tunniunneqassapput.

§ 4. Inuup uppernarsarsinnaaguniuk, isertitat akileraaruteqaataasussat, § 3 malillugu tapiissutinik akiliinissamut tunngavissiisumik, annertuumik sivisuumillu appariaateqarsimasut, isumaginninnermut ataatsimiititaq immikkut aalajangersinnaavoq, meeqqanut tapiissutit tunniunnissaannut isertitassatut ilimagineqartut § 3 malillugu nalunaarutaasimanerattunngavigalugu.

Imm. 2. Ilaqtariit Kalaallit Nunaannut nuuttut § 1-imí piumasaqataasunik eqqortitsisimappata taakku nuunnermik kingorna kvartalimi siullermi meeqqanut tapiissutinik tunineqarsinnaapput, ukiumi tapiissuteqarfíusumi § 3 aallaavigalugu nalunaarutaasimanerat tunngavigalugit tamarmi isertitarisassanik isumaginninnermi ataatsimiititap naliliinera tunngavigalugu.

Imm. 3. Isertitarisassatut naatsorsuisarnermi kiisalu isertitat ataavartumik annertuumillu ikileriarsimasutut qaqgukkut naatsorsuunneqalertarsinnaanerat pillugu malittarisassanik Naalakkersuisut aalajangersaasinnaapput.

Kapitali 2.

Meeqqanut tapiissutit tunniunneqartarnerat.

§ 5. Meeqqanut tapiissutit meeqqap anaanaanut tunniunneqartassapput, taassuma meeraq immini najugaqartippagu, isumaginninnermi ataatsimiititaq aalajangiisimangippat tapiissutit meeqqap ataataanut tunniunneqassasut, imaluunniit imm. 2-4-imí imaluunniit § 6, imm 4-imí allanut tunniussinissamut piumasaqataasut eqqortinnejqarpata.

Imm. 2. Meeraq angajoqqaat arlaanni najugaqarpat meeqqanut tapiissutit tassunga tunniunneqassapput. Meeraq angajoqqaamini tamani assigiimmik najugaqartarpat angajoqqaallu arlaannaalluunniit meeqqap pilersorneqarneranut akiliuteqartanngippata meeqqanut tapiissutit pilersuisumut kvartalimi siullermi

meeqqanut tapiissutit tunniunneqarfissaanni, inuit aqqisa allattorsimaffianni meeqqap najugaqarfiatut nalunaarsorneqarsimasumuttunniunneqassapput.

Imm. 3. Meeraq ilaqtariinni allani paarisassanngorlugu inissinneqarsimappat angajoqqaarsiallu isertitaat tunngavigalugit § 3 malillugu tunniussineq pisarpat, angajoqqaarsiat isertitaat tunngavigalugit periaatsit imm. 1 - 2-mi taaneqartut aallaavigalugit tunniussineq pissaaq.

Imm. 4. Meeraq atuarfimmi najugaqarfmutigisumiippat taassumaluunniit assigisaani najugaqarpas aammalu meeqqanut tapiissutit angajoqqaarsiat isertitaat tunngavigalugit § 3 malillugu meeqqanut tapiissutit angajoqqaarsianut tunniunneqassapput periaatsit imm. 1 - 2-mi taaneqartut aallaavigalugit.

Imm. 5. Meeraq atuarfimmi najugaqarfutigisumiippat taassumaluunniit assigisaani najugaqarpas isumaginninnermut ataatsimiititaq aalajangiisinnaavoq meeqqanut tapiissutit ilaannakortumik meeqqamut tunniunneqarsinnaasut.

§ 6. Meeqqanut tapiissutit kvartalikkaartumik siumut kvartalip pineqartup qaammataani siullermi tunniunneqartassapput.

Imm. 2. Meeqqanut tapiissutit tunniunneqarnissaanni piumasaqaatit kvartalimi pineqartumi siullermi eqqortinnejqarsimassapput.

Imm. 3. Meeqqanut tapiissutit siullermeerlugit tunniunneqartassapput kvartalimi kvartalip tapiissutinik pisinnaatitaalerfmp tullianit. Kingullermik tunniussineq pisassaaq kvartalimi tapiissutinik pisinnaatitaaffmp atorunnaarfiani.

Imm. 4. Meeqqap soqutigisaasa pisariaqartitaasalu tamanna pisariaqalersippassuk isumaginninnermi ataatsimiititaq aalajangiisinnaavoq meeqqanut tapiissutit piffissami kvartalikkaartumit sivikinnerusumi tunniunneqartassasut, taamatuttaarlu isumaginninnermi ataatsimiititaq aalajangiisinnaalluni tapiissutit tamakkiisumik ilaannakortumilluunniit nioqqtissanik pisissutissanngorlugin tunniunneqartassasut, imaluunniit isumaginninnermi ataatsimiititap aalajangersagai malillugit aqunneqarlutik.

Imm. 5. Meeqqanut tapiissutit tunniunneqartarneranni malittarisassanik Naalakkersuisut aalajangersaasinnaapput, matumanri namminneersinnaassuseqanngitsunut tapiissutinik tunniussarnermi aqutsinermilu malittarisassanik aalajangersaaneq ilanggullugu.

Kapitali 3.

Aqtsineq, aningaa salersuineq, naammagittaalliuuteqarsinnaaneq il. il..

§ 7. Meeqqanut tapiissutinik tunineqartarnissamik qinnuteqaat qinnuteqaateqartup kommunitut najugarivitaani isumaginninnermi ataatsimiititamut tunniunneqartassaaq, kingusinnerpaamik ukiup tapiissuteqarliusup aallartinnissaanut qaammammi tulliuttumi kingullermi ulloq siulleq nallertinnagu.

Imm. 2. Meeqqanut tapiissutisisinnaatitaaneq ukiup tapiissuteqarliusup ingerlanerani pissarsiarineqarpas tapiissutisisarnissamik qinnuteqaat qinnuteqaateqartup kommunitut najugarivitaani isumaginninnermi ataatsimiititamut pisariaqanngitsumik kinguarsaanani tunniunneqartassaaq, kingusinnerpaamik kvartalimi tapiissutinik pisinnaatitaalerfimmilu ulloq siulleq nallertinnagu.

Imm. 3. Peqqussut manna tunngavigalugu qinnuteqaateqarnissaq piffissallu qinnuteqaateqarnissami killiliunneqartut pillugit innuttaasut ilitsersorneqarnissaat isumaginninnermi ataatsimiititap isumagissassaraa.

§ 8. Meeqqanut tapiissutinik tunniussineq kommunimi tapiissutinik pisinnaatitaasup kommunitut najugarivitaani isumaginninnermi ataatsimiititamit suliarineqartassaaq.

Imm. 2. Qinnuteqaat qinnuteqaateqarnissamut piffissarititaasut § 7-imri taaneqartut qaangiutereersut

tunniunneqarpat meeqlanut tapiissutit ukiumi tapiissuteqarfiusumi kvartalini tulliuttuni tunniunneqartassapput.

Imm. 3. Pissutsit immikkut ittut atuutsillugit qinnuteqaateqarnermut piffissarititaasut sivikinnerusumik qaangerneqarnerat isumaginninnermi ataatsimiititap aalajangiiniarnermini isiginngitsusaarsinnaavai.

§ 9. Meeqlanut tapiissutinik tigusisartoq qinnuteqaateqartorluunniit pisussavaq kommunimi najugarivitamini isumaginninnermi ataatsimiititaq pissutsinik meeqlanut tapiissutinik naatsorsuisarnermut tunniisisarnermullu pingaaruteqartunik, kiisalu pissutsit taakku allannguiteqarnerinik tapiissutit ikilineqarnissaannut tunniunneqartarunnaarnissaannulluunniit tunngavittut pingaaruteqartunik nalunaarfigissallugu.

Imm. 2. Taassuma isertitai akileraaruteqaataasussat § 3 malillugu meeqlanut tapiissutit tunniunneqarnissaannut tunngavissiisoq pillugit paassisutissanik isumaginninnermi ataatsimiititaq pissarsiniarsinnaavoq.

Imm. 3. Meeqlanut tapiissutinik nalunngereeraluarlugu tigusassarinngisaminik tamakkiisumik ilaannakortumilluunniit tigusaqartup tigusassarinngisatut tigusimasani isumaginninnermi ataatsimiititamut ingerlaannaq utertissavai, aningaaasallu taakku utertinneqartut isumaginninnermi ataatsimiititap Lanskarsimut utertissallugu.

§ 10. Meeqlanut tapiissutinut aningaaasartuutit Lanskarsimit akilerneqartassapput.

Imm. 2. Utertitsilluni akiliisarneq, naatsorsuutinik saqqummiussisarneq, kukkunersiusarneq aamma nakkutilliisarneq pillugu malittarisassanik Naalakkersuisut aalaj angersaasinnaapput.

§ 11. Peqqussut manna tunngavigalugu aalajangiinerit isumaginninnermut tunngasut siulorsorneqarnerat aaqqissunneqarnerallu pillugit Inatsisartut peqqussutaat malillugunaammagittaalliuutigineqarsinnaapput.

§ 12. Kinalunniit peqqussutip matuma atortinneqarnerani peqataasoq taamatut suliassaqartitaaneq naalakkersuinermi qinigaanikkut pisimagaluarpalluunniit pinerluttulerinermi inatsimmi naalakkersuinermut atassuteqartunut atorfegarnermi suliassaqartitaanermiluunniit pinerluttuliorneq pillugu inatsimmi aalajangersakkat malillugit akisussavaoq.

Kapitali 4.

Atortuulersitsineq.

§ 13. Inatsisartut peqqussutaat manna 1. januar 1997 aallarnerfigalugu atortuulersinnejarpooq, taamaattorli ukiumi meeqlanut tapiissuteqarfmsumi 1997-imi meeqlanut tapiissutinik pisartagaqarnissamik qinnuteqaat kingusinnerpaamik 1. december 1996 nallertinnagutunniunneqareersimassalluni.

Imm. 2. Tamatumunnga peqatigitillugu meeqlanut tapisiat pillugit Inatsisartut peqqussutaat nr. 4, 11. november 1986-imeersoq kingusinnerusukkut allannguiteqartinneqartarsimasoq atorunnaarsinnejarpooq.

Imm. 3. Meeqlanut tapiissutit 31. december 1996-imi malittarisassat atuuttut malillugit tunniunneqarsimasut ulloq taanna aallarnerfigalugu atorunnaassapput.

Imm. 4. Malittarisassat Inatsisartut peqqussutaat imm. 2-mi taaneqartoq tunngavigalugu aalajangersarneqarsimasut Inatsisartut peqqussutaat manna allallunniit tunngavigalugit aalajangersakkanit taarserneqarnissamik atorunnaarsinnejarnissamilluunniit tunganut atuutissapput.

Namminersornerullutik Oqartussat, 31. oktober 1996

Lars Emil Johansen

/

Benedikte Thorsteinsson

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut